

阿含學概論

大風居士

阿含頌

歸敬無上佛

如實證覺者

宣說不二法^①

開示佛知見^②

妙演清淨教

令眾悉悟入^③

世間有為法

皆從因緣生

有二斯有法

無二無世間

佛偈說二法^④

萬法之本源

眼色二種緣

生於心心法^⑤

識觸起相應

俱生受想行^⑥

阿毘乃對相^⑦

雜含本相應^⑧

因緣尼陀那^⑨

悉皆是二法

此生故彼生

生故世間集

此滅故彼滅

滅故世間滅

知見集滅者

是名為見法

色聲香味觸

及第六諸法

愛念適可意

世間唯有此^⑩

於斯等作想

是名為凡夫

貪著其事者

苦集煩惱生

諸業愛無明

因積他世陰^⑪

流轉生死海

長夜繫輪迴

滅愛斷欲貪

離繫眾苦息

如實知見者

是名正解脫

諸法大地土

歷劫難俱說

是故佛說法

畧說示法要

平實無虛語

唯演根本教

一句或半偈

持者得解脫

今者尙廣說

相名細分別

捨本逐枝末

迷途不知歸

術語滿卷帙

文繁句復澀

幽微玄奧論

深細難可測

釋論百千萬

衆生困算沙

分破牟尼語^⑫

坳會彼彼說

情見既不同

理解隨人異

或以外邪見

竄亂佛教義

或以譬喻說

堅執以爲實

或以慈悲言

轉爲博愛說

如羣盲摸象

所見自不一

華句巧文飾

惜皆不如實

去聖日以遠

正法久已晦

有若如意珠

蒙塵失光輝

爲復聖教理

重闡佛世言

遺教唯阿含

此是真佛說^⑬

甚麼是佛法

簡言乃覺法

覺者覺何物

覺乃覺二法

覺者覺何人

覺乃覺衆生

二法離於眞

故以不二言^⑭

厭棄二法者

得入不二門^⑮

法法本無法

無法法亦法^⑯

無法無非法^⑰

法法何會法^⑱

究竟法非法

俱舍名大覺

志心學佛者

請從阿含學

註：

- ① 大乘義章一「言不二者，無異之謂也，一實之理，妙寂離相，如如平等，亡於彼此，故云不二」，六祖謂「佛法是不二法」，又謂「無二之性即是佛性」無二者即不二也，鳩摩羅什謂「有之緣起，極於二法，二法已廢（不二）則入玄境（涅槃境界）」僧肇所謂「離真皆名二，故以不二爲言」。十二門論疏曰：「一道清淨，故稱不二。」
- ② 見法華經方便品。
- ③ 見雜阿含經卷十三。「二偈法」。
- ④ 見同上「二法偈」。
- ⑤ 見同上「二法偈」。
- ⑥ 阿毘，梵 ABHI，意譯爲對、能對、相對。
- ⑦ 雜阿含經，梵：SAMYUKTAGAMA 又譯爲「相應阿笈摩」巴：SAMYUTTA NIKAYA 譯爲「相應部」巴利文
- ⑧ 五部之一。與漢譯雜阿含經大部皆同。明陰處等十五相應法，故又稱相應教。
- ⑨ 尼陀那，梵：NIDANA。
- ⑩ 四句見雜阿含經卷卅九。
- ⑪ 見雜阿含經卷十三「二法偈」。
- ⑫ 見異部宗輪論。
- ⑬ 梁任公謂：「阿含爲公開結集之經典最爲可信……所含佛語分量之多且純，非他經所及。」見梁著「佛學研究十八篇」，現代東西學者亦認爲阿含爲佛陀言之著錄。
- ⑭ 僧肇語，見①
- ⑮ 即不二法門。象聖由此趣入，故云門，佛教有八萬四千法門，以不二法門爲最勝，在諸法門之上，能直見聖道也。
- ⑯ 世尊傳法迦葉之付法偈云：「法法本無法，無法法亦法，今付無法時，法法何曾法。」
- ⑰ 摩訶迦葉傳法阿難，其付法偈云：「法法本來法，無法無非法，何於一法中，有法有非法。」